


BAGAIMANA MENGURUS PRESTASI: 24 PENGAJARAN BAGI MENINGKATKAN PRESTASI

Pengarang
Leo Ann Mean
Penyunting
Adibah Amin
Penerbit
McGraw-Hill
ISBN
983-3219-58-6
No. Panggilan
HF5549.5 P35B116 2006 m



KAEDAH DAN STATISTIK PENYELIDIKAN: KAEDAH PENYELIDIKAN

Pengarang
Chua Yan Piaw
Penerbit
McGraw-Hill
ISBN
983-3219-53-5
No. Panggilan
QA276.18 C559 2006 m



Buku ini merupakan terjemahan daripada karya asal berjudul **"How to Manage Performance : 24 Lessons for Improving Performance"** oleh Robert Bacal yang mula diterbitkan pada tahun 2004. Buku ini selayaknya dijadikan panduan kepada para pengurus yang berperanan untuk meningkatkan prestasi pekerja sektor korporat. Ia memberi tumpuan kepada 24 strategi yang boleh diamalkan oleh pengurus untuk memandu pencapaian prestasi sebagaimana yang diharapkan oleh organisasi. Ia mengetengahkan teknik bijak yang boleh diamalkan oleh pengurus untuk merangsang produktiviti kerja. Selain itu, buku ringkas dan dinamik ini menghuraikan kaedah dalam aspek hubungan kerjasama dengan pekerja, penentuan matlamat dan hala tuju pekerja, penentuan sasaran atau petunjuk prestasi, pelaksanaan penilaian prestasi kerja secara berkesan dan pengurusan konflik dalam organisasi. Sememangnya prestasi merupakan perkataan yang luas maksudnya dan sukar diukur dan diberi nilai secara kuantitatif. Namun begitu, peningkatan prestasi boleh dilihat melalui perbezaan pencapaian prestasi sama ada semakin baik, lemah, berkesan atau sebaliknya. Buku ini dihasilkan untuk mereka yang sibuk dan memerlukan bahan bacaan yang praktikal. Tidak dinafikan, strategi yang disarankan oleh Robert Bacal ini boleh terus dipraktikkan oleh para pengurus untuk menyemarakkan iltizam para pekerja terhadap peningkatan kualiti kerja.

Kaedah dan Statistik Penyelidikan terdiri daripada Buku 1 Kaedah Penyelidikan dan Buku 2 Asas Statistik Penyelidikan. Ia meliputi semua aspek penyelidikan dan sesuai dijadikan bahan pengajaran dan pembelajaran bagi kursus-kursus yang berkaitan dengan reka bentuk dan statistik penyelidikan untuk peringkat pengajian ijazah asas dan ijazah lanjutan. Buku ini sesuai digunakan oleh para penyelidik sebagai bahan rujukan asas semasa menjalankan dan menulis laporan penyelidikan. Pendekatan menggabungkan kaedah asas penyelidikan dan teknik statistik membantu pembaca memperoleh gambaran yang jelas mengenai keseluruhan proses penyelidikan. Secara umumnya, buku ini mengandungi 18 bab dan dipecahkan kepada enam (6) bahagian utama iaitu asas penyelidikan, reka bentuk, persampelan, pengukuran, instrumentasi dan format penulisan laporan. Penulis berjaya menghuraikan konsep yang diketengahkan secara mendalam dengan menggunakan contoh kajian yang dilaksanakan dalam konteks tempatan. Perincian mengenai kaedah pengiraan dan penggunaan alat analisis data kualitatif dan kuantitatif membantu pembaca memahami kaedah pelaksanaan analisis data secara sistematik. Selain itu, latihan yang disusun pada setiap pengakhiran bab amat membantu dalam meningkatkan kefahaman pembaca. Kaedah dan statistik penyelidikan merupakan bidang saintifik namun penulis mempersembahkan buku ini dalam bahasa yang ringkas dan mudah difahami. Semestinya buku ini mesti dibaca oleh para pelajar, staf akademik dan pentadbir yang terlibat dalam pelaksanaan projek penyelidikan di UniMAP.

Kedua-dua buah buku ini boleh diperolehi di Perpustakaan Universiti Malaysia Perlis. Bahan ini ditempatkan di Koleksi Rak Terbuka.